

Broj: 656-12/19
Datum: 14.02.2019. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 656-10/19 od 12.02.2019. godine, u postupku javne nabavke **roba – Potrošni materijal za glukometar** direktor Javne ustanove Opća bolnica „Prim. dr. Abdulah Nakaš“, je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 656-10/19 od 12.02.2019. godine i Ugovor za javnu nabavku **roba – Potrošni materijal za glukometar** dodjeljuje se ponuđaču „**PHARMA MAAC**“ d.o.o. Sarajevo, ponuda br. 144/19 **dostavljena dana 07.02.2018. godine, za ponuđenu cijenu 23.867,00 KM** bez PDV-a, odnosno **27.924,39 KM** sa PDV-om **kao jedinom i najpovoljnijem ponuđaču.**

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

Član 3.

U postupku nabavke iz člana 1. ove Odluke zaprimljena je ukupno 1 (jedna) kvalifikovana ponuda i to:

1. PHARMA MAAC d.o.o. Sarajevo

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

U postupku nabavke iz člana 1. ove Odluke nije bilo zaprimljenih nekvalifikovanih ponuda ponuđača.

Član 4.

Izabrani ponuđač se oslobađa dostavljanja originala ili ovjerenih kopija dokumentacije iz člana 45. i člana 47. Zakona o javnim nabavkama, jer je iste dostavio uz ponudu.

Član 5.

U skladu sa članom 98. stav 2. tačka a) Zakona o javnim nabavkama prijedlog Ugovora o nabavci dostavlja se na potpis izabranom ponuđaču uz Odluku o izboru najpovoljnijeg ponuđača.

Član 6.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav. 6. Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **656-2/19 od 25.01.2019. godine.**

Javna nabavka je sprovedena **putem konkurentskog zahtjeva za dostavu ponuda.** Procijenjena vrijednost javne nabavke bez PDV-a je **cca 24.000,00 KM.**

Komisija za nabavku, imenovana je Rješenjem broj: **656-3/19 od 25.01.2019. godine.**

Obavještenje o nabavci broj: 1125-7-1-40-3-45/19, poslato je na objavljivanje dana **28.01.2019. godine,** a objavljeno je na Portalu javnih nabavki dana **28.01.2019. godine,** sažetak obavještenja o nabavci objavljen je u Sl. Glasniku BiH broj: **7/19 od 01.02.2019. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **656-9/19 od 12.02.2019. godine,** Preporuku o izboru najpovoljnijeg ponuđača broj: **656-10/19 od 12.02.2019. godine** i Izvještaj o radu broj: **656-11/19 od 13.02.2019. godine,** u postupku javne nabavke roba – **Potrošni materijal za glukometar.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,

- da je ponuda ponuđača „**PHARMA MAAC**“ d.o.o. Sarajevo, kvalifikovana ali nije u cijelosti prihvatljiva, jer nisu dostavljeni svi traženi dokazi propisani tenderskom dokumentacijom, na propisan način.

Naime, Komisija za predmetnu nabavku je prilikom pregleda i evaluacije ponuda konstatovala da ponuđač PHARMA MAAC d.o.o. Sarajevo u svojoj ponudi nije dostavio Izjavu da će rok upotrebe ugovorene robe u vrijeme isporuke biti najmanje 6 mjeseci do isteka roka trajanja, a što je traženo u odjeljku C) USLOVI ZA KVALIFIKACIJU u tački 4. Tehnička i profesionalna sposobnost – u smislu člana 48. – 51. Zakona o javnim nabavkama, podtačka 5. uslova i dokaza. Obzirom da članovi Komisije nisu mogli zauzeti jednoglasan stav za predmetnu nabavku, isti su dana 12.02.2019. godine dostavili svoja pismena mišljenja na ponudu ponuđača PHARMA MAAC d.o.o. Sarajevo (broj protokola: 1464/19 i 1466/19), po osnovu kojih su 2 (dva) člana farmaceutске struke dali prijedlog direktoru Bolnice da se izvrši izbor najpovoljnijeg ponuđača, dok je 1 (jedan) član pravne struke dao mišljenje da se ponuda ponuđača PHARMA MAAC d.o.o. Sarajevo odbaci u skladu sa članom 68. stav (4) tačka i) Zakona iz razloga što ponuda ne ispunjava formalno-pravne uslove.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima.

Naziv ponuđača čija je ponuda ocijenjena kao najpovoljnija:

1.	Naziv ponuđača	Ponuđač „PHARMA MAAC“ d.o.o. Sarajevo
2.	Sjedište i adresa	Ul. Bačići broj 7, 71000 Sarajevo
3.	Ukupna cijena ponude bez PDV-a	23.867,00 KM
4.	Podaci o dijelu ugovora koji se daje u podugovor i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.



DIREKTOR
Zlatko Kravić
Prim. dr. Zlatko Kravić

Dostaviti:

- Ponuđaču: „PHARMA MAAC“ d.o.o. Sarajevo
- Odjeljenje za ekonomsko-finansijske poslove
- Odsjek za javne nabavke
- Komisiji za javne nabavke
- a/a.